



ԲՈՒԼՂԱՐԻԱՅԻ ԺՈՂՈՎՐԴԱԿԱՆ ՀԱՆՐԱՊԵՏՈՒԹՅԱՆ ԺՈՂՈՎՐԴԱԿԱՆ ԺՈՂՈՎԻ ՆԱԽԱԳԱՀՈՒԹՅԱՆ ՆԱԽԱԳԱՀ ԳԵՈՐԳԻ ՏՐԱՅԿՈՎԸ ՄԱՅՐ ԱԹՈՌՈՒՄ

Մայիսի 14-ին, ուրբաթ, առավոտյան ժամը 10-ին, Բուղարական ժողովրդական Հանրապետության ժողովրդական ժողովի նախագահության նախագահ Գեորգի Տրայկովը այցելեց Մայր Տաճար, ընկերակցությամբ Բուղարիայի արտաքին գործերի մինիստր Իվան Բաշևի, Սովետական Միության Բուղարական ժողովրդական Հանրապետության դեսպան Ստոյան Գ. Կարաջովի և այլ պետական հարգարժան գործիչների:

Մեծապատիվ հյուրի հետ էին Հայկական ՍՍՌ Գերագույն սովետի նախագահության նախագահ Ն. Խ. Հարությունյանը, ՍՍՌՄ Գերագույն սովետի նախագահության քարտուղար Մ. Պ. Գեորգաձեն, Հայկական ՍՍՌ Գերագույն սովետի նախագահության նախագահի տեղակալ Հ. Խ. Մարգարյանը, Հայկական ՍՍՌ արտաքին գործերի մինիստր Բ. Գ. Մարտիրոսյանը և այլ պաշտոնական անձինք:

Մայրավանքի արևելյան դարբասի առաջ մեծարգո հյուրը դիմավորվում է հարգալիիր մեծարանքով Մայր Աթոռի միաբանության կողմից և առաջնորդվում Մայր Տաճար, և ապա եկեղեցական արվեստի թանգարան:

Այնուհետև Բուղարական ժողովրդական Հանրապետության ժողովրդական ժողովի նախագահության նախագահ Գեորգի Տրայկովը, իր ջբախմբի անդամների հետ, Վեհաբանում այցելում է Ամենայն Հայոց Վեհափառ Հայրապետին:

Նորին Ս. Օծուխունը, հանուն Մայր Աթոռ Ս. էջմիածնի և Ամենայն Հայոց Հայրապետության, սրտագին ողջունում է Նորին

Գերազանցությունը պր. Նախագահին և հարգարժան բոլոր հյուրերին, շնորհակալություն և երախտագիտություն է հայտնում անցյալում բուղար ժողովրդի և երկրի կողմից գաղթական հայ ժողովրդին ցույց տրված եղբայրական ասպնջականության համար, շնշտելով, որ «անցյալում տառապանքի մեջ եղբայրացել էին բուղար և հայ ժողովուրդները, իսկ այսօր նրանք եղբայրացած են իրենց ազգային վերածննդյան սխրանքների մեջ, եղբայրական ժողովուրդների ընտանիքում, և հանուն խաղաղության մղած պայքարում»:

Մեծապատիվ հյուրը խոսք առնելով, իր խորունկ շնորհակալությունն է հայտնում ջերմ ընդունելության և Ամենայն Հայոց Վեհափառ Հայրապետի սրտագին խոսքերի համար, ավելացնելով, որ հայ և բուղար ժողովուրդների եղբայրությունն ամուր է և անխախտ, որովհետև նրանց միացնում են ոչ միայն անցյալի տառապանքներն ու թափված արյունը, այլ նաև վաղվա պայծառ կյանքի նկատմամբ երկու ժողովուրդների վճռականությունն ու մնայուն խաղաղության պաշտպանության գիտակցությունը:

Այնուհետև ջերմ մթնոլորտում տեղի է ունենում զրույց:

Զրույցին ներկա էր նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Կ. Դալլաբյանը:

Ժամը 11-ին մեծապատիվ հյուրը հրաժեշտ է առնում Ամենայն Հայոց Վեհափառ Հայրապետից և Մայր Աթոռից: